



FJELL KOMMUNE

Kultursjefen

Kultur og idrettsavdelinga

Postboks 7900
5020 BERGEN

Dykkar ref.

Vår ref.

2014/1429 - 20708/2014

Saksh. – tlf.

Berit Vik - 55097055

Dato

26.09.2014

Innspel til høyringsforslag - Regional kulturplan for Hordaland 2015-2025

Dette innspelet frå Fjell kommune vil vera gjeldande som innspel under føresetnad av politisk godkjenning i november 2014. Innspelet er frå tilsette hos Kultursjefen i Fjell, og er å rekna som innspel knytt til særinteresser i kommunen. Eit felles innspel som tek føre seg dei større linene i region vest vil kome frå IKKUS (Interkommunalt kultursamarbeid for Fjell, Sund, Øygarden og Askøy).

Vi har i det følgjande valt å kommentere utvalde hovudtema med underpunkt.

- **Folkehelse**

- Ordet folkehelse er i dei seinare åra kanskje blitt litt tømt for innhald, i og med at det er blitt nytta i alle samanhengar. Er det kanskje difor ein har vore forsiktig med å nytte ordet i høyringsforslaget? Vi saknar likevel eit klarare signal i planen, om vegen vidare for folkehelsearbeidet i kommunane. Kva føringar og målsetjingar har ein for det vidare arbeidet?

- **Friluftsliv**

- Meir midlar inn til tilrettelegging av friluftsliv i strandsona
- Tilskotsordningar for etablering av friluftsparkering, både til tur, bruk av skjergard etc.
- Kombinere med formidling av kulturminne, sjå under.
- Turvegar og anna friluftsliv har svært stor folkehelseverdi, også økonomisk. Friluftsliv er også eit sosialt utjamnande folkehelsetiltak.

- **Bibliotek**

- Biblioteka har gjennom ny biblioteklov fått i oppdrag å vere ein uavhengig møteplass og arena for offentleg debatt. Biblioteka i vest har tilsett ei debatt- og arrangementskoordinator i 30 % stilling i 10 mnd for å følgja opp den nye

lovteksten. Vi ser at dette er noko biblioteka vil få problem med å setja av tid til, i tillegg til den daglege drifta, og meiner fylkesleddet også bør gå inn i eit samarbeid med kommunane om å leggja til rette for vidareføring av slike regionale stillingar.

- Styrking av det regionale samarbeidet og partnerskapet med fylkeskommunen er eit særskilt viktig punkt. Fylkeskommunen bør kunne ta på seg ei coachande rolle for å hjelpa til med å byggja robuste, gode samarbeidseiningar i regionane. Biblioteka i vest har eit tett og godt samarbeid. Vi kunne likevel ønskje oss å auka kompetansen innanfor kommunikasjon og samarbeidsmodellar.
- Tildeling av midlar til små utviklingsprosjekt i kommunane er ein motivasjon for å driva bibliotekutvikling også i mindre omfang.
- Biblioteka i Hordaland bør utvikla ein modell for kompetansedelning på nett.
- Utvikling av biblioteka som møteplass og fysisk rom blir viktig i tida som kjem. Kompetanse innanfor planlegging og innreiing av biblioteklokale er eit satsingsområde som bør prioriterast.

- **Kulturminne/museum**

- Viktig at musea tek eit regionalt, ikkje berre lokalt ansvar, innanfor ulike periodar/tema. Kommunane må i større grad kunna nytta musa som rådgjevarar, men også i høve til å ta vare på gjenstandar/hus, bør musea ha eit regionalt ansvar.
- Formidling av kulturminne og kulturlandskap har stort potensiale om ein knyter dette sterkare til friluftsliv og merka turløypar. Nye teknologiske løysingar opnar nye moglegheiter, t.d. NFC på nye smarttelefonar. Dette kan også gjera kulturminna lettare tilgjengeleg for funksjonshemma (universell utforming).
- Kulturminne og næring. Her treng både offentlege og private aktørar meir rettleiing. Korleis etablera gode løysingar?
- Rådgjeving til og økonomiske støtteordningar til private eigarar av kulturminne.
- Det er positivt med fylket si noverande satsing på kulturminneplanar i kommunane. Satsingsperioden er sett fram til 2016, men det er viktig å øymerke midlar til vidare satsing etter at kulturminneplanane er ferdigstilte, m.a. i forhold til tilskotsordningar som kan støtte opp under handlingsdelane i kulturminneplanane.
- Registrering av kulturminne kan knytast opp mot friluftslivsatsing, t.d. for born og ungdom.

- **Arkiv**

- Ansvar for lokale, private arkiv bør i større grad formaliserast.

- **Idrett**

- Tilrettelegging for fysisk aktivitet i nærmiljøet er viktig. Turstisatsinga til fylket dei seinare åra har mogleggjort realiseringa av gode prosjekt på kort tid, og dette viser kva ein kan få til med målretta strategiar.
- I høyringsforslaget blir det presisert at ballbingar skal prioriterast i perioden. Det er viktig, ikkje minst med tanke på alle ballbingane som etterkvart treng oppgradering/rehabilitering. Men vel så viktig er presiseringa om at det bør vurderast å utvikle andre nærmiljøanlegg som når andre målgrupper, t.d. skatepark, hinderløype o.a. Eit fokus på større mangfald innanfor anleggsutviklinga på dette feltet ser vi på som særst positivt.
- Når det gjeld symjeanlegg så er det svært mange kommunar som har liten kapasitet. Det er ei utfordring å få timane til å strekke til, slik at både symjeklubbane sine konkurransesymjarar, lag og foreiningar samt dei

uorganiserte skal få eit godt symjetilbod i sitt nærmiljø. Terskelen kan bli for høg mange. Det er positivt at ein i høyringsforslaget satsar på rehabilitering og nybygging av symjeanlegg.

- **Frivillige**

- Det blir vanskelegare å skaffa frivillige, både til dugnad og til inntektsbringande aktivitetar for lag og organisasjonar.
- Samstundes vert frivillig innsats på mange område viktig(are) framover.
- Ein må i større grad få fram at det er verdfullt å vera / ha vore med på frivillig arbeid. I England er det til dømes svært vanleg for unge å ta seg eit «friår» som frivillig. Ein attest som gjeld frivillig arbeid er eit godt skussmål i den vidare karriera.
- Haldningar til frivillig innsats bør endrast. Haldningskampanje? Andre tiltak?
- Ein viss grad av økonomi må til for å generera frivilligheit.

- **Kunstproduksjon og formidling**

- Vi sluttar oss til at kulturskulane må ha ei framleis viktig rolle.
- Det profesjonelle kunstfeltet kan knytast opp mot kultur og næring.
- Kommunane bør i større grad tilrettelegga lokale, t.d. i bevaringsverdige bygg. (Må sjåast i samheng med tilskotsordningar for vedlikehald og bevaring av bygg.)
- Litteraturproduksjon og – formidling kan knytast opp mot biblioteka som formidlingsarena.
- Påverka private aktørar, t.d. utbyggjarar til å bruka profesjonell kunst i utsmykking/kunstformidling.

- **Fjell ut i verda**

- Samarbeidsprosjekt med utanlandske aktørar kan gi verdfulle stimulansar begge vegar, men det er ein fare for at slike prosjekt tappar knappe stabar for ressursar og tid.
- Tiltrekka seg turistar? Ikkje tilrettelagt i stor grad i dag. Stort unytta potensiale for marknadsføring ovanfor turistar. Skjergarden og kysten er attraktiv, men i liten grad tilrettelagt for turisme.

- **Korleis skal kulturfeltet sjå ut i 2025?**

- Det bør setjast i gong eit eige arbeid på dette.
- På kulturområdet er det essensielt med eit administrasjonsnivå som kan tilby spisskompetanse på ulike område, som ikkje er mogleg å ha i kvar kommune. Vil vera uheldig med kun kommunenivå, sjølv om kommunane skulle bli større.
- Nye urbane sentra kjem mange stader i Hordaland. Det er viktig at desse også blir sentra for kulturuttrykk i regionane. Men det er samstundes viktig å ta vare på og vidareutvikla den tradisjonelle kulturen.

Med helsing

Kultursjefen i Fjell
Lennart Fjell